



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-543-7/21**

Datum: **28.12.2021. godine**

„Agencija za vodno područje rijeke Save“ Sarajevo rješavajući po zahtjevu investitora „Eastern Mining“ d.o.o. Sarajevo, za izdavanje vodne saglasnosti na projektnu dokumentaciju za aktivnost ispuštanja oborinskih onečišćenih voda i aktivnosti koje mogu imati specifične uticaje na vode prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac-Brestić, općina Vareš, na osnovu člana 114., a u vezi sa članom 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o vodnoj saglasnosti**

1. Investitoru „Eastern Mining“ d.o.o. Sarajevo daje se vodna saglasnost na projektnu dokumentaciju za aktivnost ispuštanja oborinskih onečišćenih voda i aktivnosti koje mogu imati specifične uticaje na vode prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac-Brestić, Općina Vareš, a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku formiranja i rada rudnika, a na osnovu projektne dokumentacije:

- Glavni projekat prikupljanja, tretmana i ispuštanja oborinskih onečišćenih voda nastalih prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac-Brestić u općini Vareš, urađen od strane „Zagrebinsepekt“ d.o.o. Mostar, prosinac 2021. godine, broj: 01-15-150-X-1/21

- Projektna dokumentacija je revidovana od strane „ENCOS“ d.o.o. Sarajevo, broj: 12-263-5/2021.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav 2. tačka 1. i 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.

3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna saglasnost se daje pod slijedećim uslovima:

- 4.1. Radove na izgradnji sistema za prikupljanje, odvođenje i tretman oborinskih onečišćenih voda sa radnih, saobraćajnih i pripadajućih manipulativnih površina izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
- 4.2. Nakon završetka radova na izgradnji sistema odvodnje i prečišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
- 4.3. Način ugradnje separatora ulja i masti sa koalescentnim filterom i stavljanje istog u pogon uskladiti sa proizvođačem opreme.
- 4.4. Od isporučioaca separatora pribaviti garanciju da će parametri kvaliteta prečišćenih oborinskih voda biti u granicama propisanih vrijednosti, definisanih u važećoj Uredbi o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).
- 4.5. Da se nakon predviđenih uređaja za tretman otpadnih voda, a prije njihovog upuštanja u vodotok izvrši ugradnja revizionih šahtova na svim ispustima, a u svrhu praćenja kvaliteta efluenta (monitoring).
- 4.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.7. U cilju osiguranja prostora na kojem će se nalaziti lagerovana nafta i naftni derivati neophodno je izgraditi vodonepropusnu tankvanu istog ili većeg kapaciteta od kapaciteta rezervoara.
- 4.8. Površinu na kojoj će se odvijati pretakanje ulja, masti i nafte neophodno je izgraditi otpornu na djelovanje naftnih derivata.
- 4.9. Manipulativnu i parking površinu potrebno je izvesti sa odgovarajućim nagibima i pripadajućim slivnicima.
- 4.10. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.11. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.12. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 4.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 4.14. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
- 4.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj:UPI/03-19-2-138/21 od 03.06.2021. godine izdatog od strane Federalnog ministarstva prostornog uređenja i Rješenja o okolinskoj dozvoli broj:UPI 05/2-02-19-5-60/20 SC od 05.02.2021 godine izdatog od strane Federalnog ministarstva okoliša i turizma.
- 4.16. Ukoliko u toku realizacije na izgradnji projektovanih objekata i sadržaja na terenu dođe do odstupanja (u odnosu na projekat iz tačke 1. ovog Rješenja) tada je Investitor u obavezi da uradi (inovira) projektnu dokumentaciju tj. uradi projekat izvedenog stanja – hidro fazu.
5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
6. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20).

8. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Eastern Mining“ d.o.o. Sarajevo, zahtjevom broj: 724/21 dana 10.11.2021. godine, zatražio je izdavanje vodne saglasnosti na projektnu dokumentaciju za aktivnost ispuštanja oborinskih onečišćenih voda i aktivnosti koje mogu imati specifične uticaje na vode prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac- Brestić, općina Vareš, a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada rudnika.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija

- Rješenje o izmjenama podataka, broj:043-0-Reg-21-001006 od 30.09.2021. godine izdato od strane Općinskog suda u Zenici – ovjerena kopija,
- Uvjerjenje o registraciji poreznog obveznika od 17.09.2020. godine izdato od strane Kantonalnog poreznog ureda u Zenici – ovjerena kopija,
- Rješenje o okolinskoj dozvoli, broj:UPI 05/2-02-19-5-60/20 SC od 05.02.2021. godine izdato od strane Federalnog ministarstva okoliša i turizma – ovjerena kopija,
- Rješenje o urbanističkoj saglasnosti, broj:UPI/03-19-2-138/21 od 03.06.2021. godine izdato od strane Federalnog ministarstva prostornog uređenja - ovjerena kopija,
- Rješenje kojim se dozvoljava podzemna eksploatacija na eksploatacionom polju Rupice-Juraševac-Brestić, općina Vareš, Up/I broj:06-14-1-334/21 od 16.07.2021. godine izdato od strane Federalnog ministarstva energije, rudarstva i industrije - ovjerena kopija,
- Ugovor o koncesiji, broj:04-18-21389-1/13 od 12.03.2013. godine potpisan od strane Ministarstva za privredu Zeničko-dobojskog kantona - ovjerena kopija,
- Anex V koncesionog ugovora, broj:04-18-14461-1/20 od 03.12.2020. godine potpisan od strane Ministarstva za privredu Zeničko-dobojskog kantona - ovjerena kopija,
- Anex IV koncesionog ugovora, broj:04-18-21389-4/18 od 28.01.2020. godine potpisan od strane Ministarstva za privredu Zeničko-dobojskog kantona - ovjerena kopija,
- Anex III koncesionog ugovora, broj:04-18-21389-3/2018 od 14.11.2018. godine potpisan od strane Ministarstva za privredu Zeničko-dobojskog kantona - ovjerena kopija,
- Prilog br. 1 Anexa III koncesionog ugovora broj: 04-18-21389-1/2013 od 12.03.2013. godine – ovjerena kopija,
- Anex II koncesionog ugovora, broj:04-18-21389-3/2018 od 19.02.2018. godine potpisan od strane Ministarstva za privredu Zeničko-dobojskog kantona - ovjerena kopija,
- Anex I koncesionog ugovora, broj:04-18-21389-2/13 od 08.10.2013. godine potpisan od strane Ministarstva za privredu Zeničko-dobojskog kantona - ovjerena kopija,
- Punomoć podnosioca zahtjeva od 29.10.2021. godine,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Glavni projekat prikupljanja, tretmana i ispuštanja oborinskih onečišćenih voda nastalih prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac-Brestić u općini Vareš, urađen od strane „Zagrebinsepekt“ d.o.o. Mostar, broj: 01-15-150-X-1/21, prosinac 2021. godine,
- Konačni izvještaj o izvršenoj reviziji projektne dokumentacije od urađen od strane „Encos“ d.o.o. Sarajevo, decembar 2021. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U provedenom postupku konstatovano je sljedeće:

- Glavni projekat, iz tačke 1. dispozitiva ovog Rješenja, urađen je i revidovan je od strane ovlaštenih pravnih lica.
 - Rudnik olova, cinka i barita na lokalitetu „Rupice“ nalazi se u okviru rudonosne zone Borovica-Vareš-Čevljanovići kod sela Borovica, 18 km sjeverozapadno od Vareša i oko 25 km sjeveroistočno od Kaknja. Područje je povezano putnom komunikacijom Vareš-Borovica i Kakanj-Borovica.
 - Sastavni dio proizvodnog kompleksa biti će podzemni i površinski dio. U podzemnom dijelu vršiti će se eksploatacija mineralne sirovine, a na površinskom dijelu, na platou 1 predviđeno je da se izgrade slijedeći sadržaji: upravna zgrada sa garderobom, kupatilom i lamparom, glavna transformatorska stanica 35kV/10kV, kompresorska stanica, pumpna stanica za gorivo, parking prostor, radionica i pralište mehanizacije, površina za servisiranje jamske opreme, skladište (cementa i ostalih materijala neophodnih za rad), prostor za izdavanje opreme i repromaterijala, postrojenje za tretman fekalnih voda, elektro prostorija sa trafostanicom, skladište ulja i maziva, magacin eksplozivnih sredstava, separator ulja i masti, taložnik vode iz jame za recirkulaciju u tehnološkom procesu.
 - Na lokalitetu Rupice se neće vršiti obrada rude. Obrada rude će se vršiti na postrojenju u Tisovcima, gdje će se vršiti i deponovanje flotacijske jalovine nastale obradom rude.
 - Projektovano je da se na svakoj etaži u jami izgradi taložnik dimanzije cca 2,1 x 1,0 m u koji će se prikupljati jamska procjedna voda i voda iz mašina koje će se koristiti tokom rada. Nakon taloženja, voda iz etažnih taložnika će se prikupljati u sabirnom bazenu na najnižoj etaži jame, te se odatle pumpati u taložnik na površini, dimenzija cca 4,1 x 1,5 m odakle će se ponovo koristiti za potrebe rada bušaćih garnitura. Na ovaj način će se uspostaviti recirkulacija vode u tehnološkom procesu.
 - Dodatno obezbjeđenje vode za potrebe tehnološkog postupka hlađenja bušaćih garnitura u jami će biti riješeno sa postojećih zahvata na Vrućem i Borovičkom potoku. Navedeni vodozahvati će se koristiti samo u slučajevima manjka vode iz recirkulacije procjednih i istaloženih voda iz jame ili iz sabirnog bazena procjednih voda sa platoa 3.
 - Za tretman sanitarno fekalnih voda, predviđen je uređaj za biološko prečišćavanje otpadnih voda sa SBR tehnologijom tip kao SBR_REG_75 kapaciteta 11,25 m³/dan.
 - Cijeli plato oko skladišta ulja, masti, radionica, tri nadzemna spremnika za gorivo volumena V=15,00 m³, prališta mehanizacije i administrativnih prostorija je potrebno asfaltirati i izvesti u nagibu prema slivnicima koji će vodu sprovesti do kolektora te dalje voditi do separatora ulja i masti. Prostor za pretakanje nafte i naftnih derivata mora biti otporan na hemijski uticaj naftnih derivata. Za tretman zauljenih voda, predviđena je ugradnja separatora ulja, masti i naftnih derivata bez bypass-a, nominalnog protoka Q=200 l/s tip kao AQUAREG NG 200 sa cisternom V = 20,0 m³ za prikupljanje eventualnog goriva iz oštećenih ili prosipanja goriva iz nadzemnih tankova. Recipijent pročišćenih zauljenih voda sa platoa 1 preko monitoring okna je potok 1.
 - Bezimeni potoci koji se nalaze na području ležišta Rupice su desne pritoke Vrućeg potoka koji je lijeva pritoka rijeke Trstionice. Potok 1 sa slivnom površinom 0,22 km² i potok 2 sa slivnom površinom 0,14 km². Projektom dokumentacijom je dato rješenje zacjevljenja navedena dva potoka cijelom dužinom do ušća u Vrući potok, a u cilju zaštite rudnika i pratećeg platoa 1 od površinskih tokova.
 - Predviđena je odvodnja površinskih oborinskih voda koje nisu došle u kontakt sa rudom i/ili jalovinom i platoom 1 sa usjeka platoa, otvorenim oborinskim kanalima i gravitaciono ispuštanje prikupljanje vode najkraćim mogućim putem u potok 1.
- U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-393-9/20 od 23.12.2020.. godine, izdato od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove

Agencije na revidovanu projektnu dokumentaciju: Glavni projekat prikupljanja, tretmana i ispuštanja oborinskih onečišćenih voda nastalih prilikom izvođenja radova na eksploataciji kompleksne rude olova, cinka i barita sa sadržajem pripadajućih mineralnih komponenti na ležištu Rupice-Juraševac-Brestić u općini Vareš, urađen od strane „Zagrebinsepekt“ d.o.o. Mostar, broj: 01-15-150-X-1/21 data vodna saglasnost na istu.

Na osnovu provedenog postupka, a u svrhu smanjenja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, podnosiocu zahtjeva su u dispozitivu ovog rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20) propisani uslovi koje je Investitor dužan ispuniti.

Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- „Eastern Mining“ d.o.o. Sarajevo
Tisovci bb, 71330 Vareš, (sa prilogom),
- ⊖ AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo

PRILOG,
Svima firmi
28.12.2021.